



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 02/03/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mobilitéit weiderzeleeden.**

Traditionell bitt d'Luxair sengen Aarbechter gefestegt sozial Bedéngungen, bei deenen d'Gewerkschaften an hir Fuerderunge mat engem ausgeprägten Matsproocherecht berécksiichtegt ginn. Dëst ass net bei alle Fluchgesellschaften eng Selbstverständlechkeet.

Wéi RTL den 23te Februar 2022 schreift, wäert d'Luxair bei der däitscher Airline "German Airways" mat Sätz zu Köln, eng Embraer 190 leasen. Am Kader vun dësem "wet-lease"-Kontrakt wäert déi geleaste Maschinn mam Logo an an de Faarwe vun der Luxair fléien, mee d'Cockpit- a Kabincrew soll weider fir German Airways schaffen. Dës "Leasing-Iwwergangsléisung" soll Mëtt Mee ugoen a soulaang gëllen, bis d'Luxair nei Fligere keeft fir hier eege Kapazitéiten opzestocken.

An deem Zesammenhang wéilt ech dem Minister dës Fro stellen:

1. Gëtt d'Cockpit- a Kabincrew, déi laut dem Artikel weider fir German Airways wäert schaffen, nom Luxair kollektiv Vertrag oder German Airways Bedinunge bezuelt?
2. Ass an Zukunft geplangt op weider Leasing- an Outsourcingoperatioune vu Fligere zeréck ze gräifen?
3. Gesäit de Minister bei dësem Virgoen net de Risiko, dass déi ausgeprägten sozial Grondrechter bannent der Luxair mat esou engem "wet-lease" Vertrag kënnten ëmgaange ginn?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)